


4 Maoiniú rialtais láir na n-údarás áitiúil

- 4.1 Faigheann na húdaráis áitiúla cuid mhór dá maoiniú bliantúil ó réimse ranna agus gníomhaireachtaí rialtais láir (féach Fíor 4.1). Is é príomhchuspóir na tuarascála seo breac-chuntas a thabhairt ar na cistí ag sreabhadh ó fhoinsí rialtais láir, agus tríothu, chuig na húdaráis áitiúla, agus ar na cuspóirí ar soláthraíodh na cistí lena n-aghaidh.

Fíor 4.1 Sreabhadh an mhaoinithe rialtais láir chuig na húdaráis áitiúla in 2017^a




Foinse: Oifig an Ard-Reachtair Cuntas agus Ciste

Nóta: a Ón 1 Eanáir 2018, íoctar na fáлтаis ón gcáin mhaoinne áitiúil go díreach isteach sa Chiste Rialtais Áitiúil agus na fáлтаis ón mótarcháin isteach sa Phríomhchiste (féach larscríbhinn 4A).

Aistrithe ón Rialtas Láir

- 4.2** Ba é €2.66 billiún iomlán an mhaoinithe a tugadh do na húdaráis áitiúla ó fhoinsí rialtais láir in 2017 — méadú 19.8% ar an €2.22 billiún in 2016.¹ Is ó mhaoiniú Státhchiste a tháinig thart ar 64% den tsuim iomlán sin. Is tríd an gCiste Rialtais Áitiúil agus tríd an gCiste Comhshaoil a soláthraíodh an chuid eile (féach Fíor 4.2).

Fíor 4.2 Foinsí maoinithe rialtais láir d'údaráis áitiúla, 2017



Foinse: Anailís arna déanamh ag Oifig an Ard-Reachtair Cuntas agus Ciste

- 4.3** Is í an Roinn Tithíochta, Pleanála agus Rialtais Áitiúil (an Roinn) a riarann an Ciste Rialtais Áitiúil. In 2017, is le fáiltais ó mhótarcháin (€1 bhilliún), fáiltais ón gcáin mhaoine áitiúil (CMÁ) (€476 milliún) agus ranníocaíocht €365 milliún ón Státhchiste trí Vóta na Roinne Tithíochta, Pleanála agus Rialtais Áitiúil, a maoiníodh an Ciste Rialtais Áitiúil go príomha.²
- 4.4** Bunaíodh an Ciste Comhshaoil³ go príomha chun tacú le tionscnaimh, feachtais agus cláir chomhshaoil. Is ar leibhéal áitiúil nó réigiúnach a eagraítear go leor díobh sin faoi choimirce na n-údarás áitiúil. Fáiltais ón tobhach ar mhálaí plaisteacha a bhíonn á íoc ag tomhaltóirí agus á bhailiú ag na Coimisinéirí Ioncaim agus fáiltais ón tobhach ar líonadh talún atá sa Chiste Comhshaoil. Bíonn eisíocaíochtaí ón gCiste imfhálaithe chun cabhrú le tionscadail a bhfuil mar aidhm leo an timpeallacht a chosaint nó a fheabhsú.

Leithdháiltí na Cánach Maoine Áitiúla d'údaráis áitiúla

- 4.5** Go dtí 2014, sholáthraíí maoiniú ón gCiste Rialtais Áitiúil d'údaráis áitiúla dá gcuid gníomhaíochtaí laethúla trí dheontais ilchuspóireacha. Ní íoctar deontais ilchuspóireacha ó bhí 2015 ann, agus íoctar leithdháiltí Cánach Maoine Áitiúla (CMÁ) ina n-ionad sin.
- 4.6** De réir cinntí arna ndéanamh ag an Rialtas, déantar na leithdháiltí bliantúla CMÁ a ríomh ar an mbonn seo a leanas
- Coinnítear 80% den CMÁ sa limistéar ina mbailítear é.
 - Úsáidtear an 20% eile le maoiniú a chur ar fáil d'údaráis áitiúla eile nach leor an CMÁ a fhaigheann siad lena riachtanais chistiúcháin a chomhlíonadh. Ar an gcaoi sin, faigheann gach aon údarás áitiúil íosmhéid maoinithe ón CMÁ, rud a dtugtar an bhonnlíne air.

¹ Áirítear ann gach aistriú aitheanta a bhí os cionn €1 mhilliún. D'fhéadfaí go mbeadh aistrithe ní ba lú eile ann nár cuireadh san áireamh iad.

² Is iad na Coimisinéirí Ioncaim a dhéanann an Cháin Mhaoine Áitiúil a riar. Íoctar fáiltais na Cánach isteach sa Phríomhchiste i dtosach, ansin íoctar isteach sa Chiste Rialtais Áitiúil iad.

³ Is í an Roinn Cumarsáide, Gnóthaí ar son na hAeráide agus Comhshaoil a riarann an Ciste Comhshaoil.

- Tá an bhonnlíne do 2017, .i. €356 milliún, nasctha den chuid is mó leis an maoiniú a leithdháileadh ón gCiste Rialtais Áitiúil mar dheontais ilchuspóireacha roimhe seo (€282 milliún in 2014) agus le leibhéal na n-asbhaintí a bhaineann le pinsin arna gcoinneáil ag na húdaráis áitiúla (€74 milliún in 2014). Go bunúsach, tá an leithdháileadh CMÁ ag teacht in ionad an dá sheanfhoinsí mhaoinithe sin.
- Cuirtear san áireamh sa leithdháileadh deiridh CMÁ cinntí arna ndéanamh ag comhaltaí tofa na n-údarás áitiúil leis na rátaí CMÁ a athrú ina limistéar de réir an Achta Airgeadais (Cáin Mhaoiní Áitiúil), 2012 (Acht 2012).

4.7 Agus anailís á déanamh ar thionchar na leithdháiltí maoinithe CMÁ, aicmíodh na húdaráis áitiúla idir na 10 n-údarás i suíomh barrachais maoinithe i gcomparáid lena mbonnlíne in 2017 agus na 21 údarás eile a raibh maoiniú breise de dhíth orthu lena dtabhairt cothrom leis an mbonnlíne mhaoinithe sin, .i. údaráis a raibh 'cothromú' maoinithe de dhíth orthu (féach Fíor 4.3).

Fíor 4.3 Leithdháileadh CMÁ ar údaráis áitiúla do 2017

	Údaráis Áitiúla		2017	2016
	seasamh barrachais	cothromú de dhíth		
	€m	€m	€m	€m
Coinnithe sa limistéar áitiúil (80%) ^a	252	134	386	378
Maoiniú cothromaithe				
- Athdháileadh CMÁ (20%)	—	97	97	95
- Ranníocaíocht ón Státchiste ^b	—	44	44	16
Coigeartú le haghaidh athruithe ráta áitiúla	(30)	4	(26)	(36)
Leithdháiltí CMÁ do 2017	222	279	501	453
A bhí comhdhéanta de				
- féin-mhaoiniú tithíochta/seirbhísí bóthair	108	—	108	143
- d'úsáid ghinearálta an údaráis ^c	114	279	393	310

Foinse: An Roinn Tithíochta, Pleanála agus Rialtais Áitiúil

- Nótaí:
- a An méid a choinnítear sa limistéar sula gcuirtear coigeartuithe do chinntí athraithe áitiúla in 2017 san áireamh. Bhí leithdháiltí 2017 bunaithe ar na glandliteanais a d'fhógair na Coimisinéirí Ioncaim do 2016, ach iad coigeartaithe leis an bpróiseas athrúcháin a chur san áireamh.
 - b Thug an Státchiste maoiniú cúiteach €16 mhilliún in 2016 agus €44 milliún in 2017 d'fhoill an t-easnamh idir na leithdháiltí CMÁ agus an toradh measta a chúiteamh.
 - c In 2017 méadaíodh an bhonnlíne CMÁ €74 milliún le go mbeadh sí ar aon dul leis an méid PRD a choinnigh na húdaráis áitiúla in 2014. Ó 2017 ar aghaidh, ní ceadmhach do na húdaráis áitiúla an PRD a choinneáil go háitiúil.


4.8 Tá de rogha ag na húdaráis áitiúla athrú suas le 15% a dhéanamh ar rátaí CMÁ de réir Acht 2012. In 2017 chinn cúig údarás áitiúla an ráta CMÁ a laghdú, ceithre cinn acu 15% (an méid is mó is ceadmhach) agus ceann amháin 3%, ar chostas €30.1 milliún. Mhéadaigh trí údarás áitiúla an ráta CMÁ, dhá cheann acu 10% agus ceann amháin 5%, beart ar bailíodh €3.6 milliún sa bhreis dá bharr. Tháinig glanlaghdú €26.5 milliún ar na fáiltais ón CMÁ in 2017 mar gheall ar na hathruithe áitiúla sin ar an ráta.

4.9 I gcás na 10 n-údarás a raibh maoiniú barrachais acu, chinn an Rialtas gur chóir go gcuirfí cuid den bharrachas ar fáil don údarás ar bhonn lánroghnach agus go n-úsáidfí an fuilleach (más ann) le roinnt seirbhísí áitiúla a mhaoiniú i réimse na tithíochta agus i réimse na mbóithre.

Úsáid an mhaoinithe ón rialtas láir

- 4.10** Ní mór formhór an mhaoinithe ón rialtas láir arna chur ar fáil d'údaráis áitiúla a úsáid le haghaidh seirbhísí sonraithe de chuid na n-údarás áitiúil. Is féidir iad sin a aicmiú ina gcúig chatagóir leathana cláir. Tá miondealú i bhFíor 4.4 ar na haistrithe chuig údaráis áitiúla idir 2011 agus 2017 ina léirítear na cláir ar tacaíodh leo (tá miondealú mionsonraithe le fáil in larscríbhinn 4B).
- 4.11** Bhain thart ar 72% den soláthar iomlán ón rialtas láir chuig na húdaráis áitiúla le dhá chatagóir in 2017 — cláir thithíochta agus athghiniúna uirbí (48%) agus cláir iompair (24%).

Fíor 4.4 Aistrithe ón rialtas láir chuig údaráis áitiúla, de réir an chlár caiteachais, 2011 go 2017




Foinse: larscríbhinn 4B

Tithíocht agus athghiniúint uirbeach

- 4.12** Soláthraíonn an Roinn formhór an mhaoinithe don tithíocht agus don athghiniúint uirbeach go díreach do na húdaráis áitiúla. Bíonn ar roinnt údaráis áitiúla (naoi gcinn faoi láthair) seirbhísí tithíochta a mhaoiniú ó fháltais CMÁ, ar luach arna chur in iúl ag an Roinn don údarás. Úsáideann na húdaráis áitiúla an maoiniú chun tacú le soláthar tithíochta sóisialta lena n-áirítear trí chlár tógála agus fála an údaráis áitiúil, obair athghiniúna agus feabhais, úsáid tháirgiúil a bhaint as aonaid fholmha in athuair, lóistín don lucht siúil a sholáthar, tithíocht dheonach agus comharthithíocht, an Scéim Cóiríochta Cíos, an Clár Caiteachais Reatha don Tithíocht Shóisialta, Íocaíocht Cúnaimh Tithíochta, deontais oiriúnaithe tithe, agus cóiríocht do dhaoine gan dídean.¹ Léirítear i bhFíor 4.5 an treocht i leibhéal an mhaoinithe le haghaidh soláthar tithíochta.

Fíor 4.5 Maoiniú d'údaráis áitiúla lena infheistiú i dtithíocht agus in athghiniúint uirbeach, 2011 go 2017




Foinse: Iarscríbhinn 4B

¹ Tá forbheathnú i gCaibidil 10 den tuarascáil seo ar na cistí a sholáthraítear ón rialtas láir le haghaidh tacaíochtaí tithíochta sóisialta, mar aon le faisnéis ar chistiú comhlachtaí ceadaithe tithíochta agus maoirseacht orthu.

Infheistiú in iompar

- 4.13** Tá de fhreagracht Bhonneagar Iompair Éireann, a fheidhmíonn faoi choimirce na Roinne Iompair, Turasóireachta agus Spóirt, na bóithre náisiúnta a fheabhsú agus a chothabháil. Go hiondúil, úsáideann Bonneagar Iompair Éireann na húdaráis áitiúla mar ghníomhaithe chun tionscadail bóithre a sheachadadh, agus díríonn sé an maoiniú tríothu sin.
- 4.14** Faigheann an Roinn Iompair, Turasóireachta agus Spóirt leithdháileadh ón gCiste Rialtais Áitiúil chun bóithre réigiúnacha agus áitiúla a chothabháil. Soláthraíonn an Roinn maoiniú do na húdaráis áitiúla trí chóras fócaíochta Bhonneagar Iompair Éireann.
- 4.15** Feidhmíonn an tÚdarás Náisiúnta Iompair faoi choimirce na Roinne Iompair, Turasóireachta agus Spóirt freisin, agus soláthraíonn sé maoiniú d'údaráis áitiúla le haghaidh feabhsuithe áirithe sa chóras iompair poiblí. I measc na gcuspóirí maoinithe, áirítear rochtain níos fearr ar an iompar poiblí do dhaoine breacaosta, sreafaí tráchta níos fearr, bealaí breise le haghaidh rothaithe agus coisithe, agus rochtain níos fearr le haghaidh busanna agus tacsaithe.
- 4.16** Léirítear i bhFíor 4.6 an treocht i leibhéal an mhaoinithe ó fhoinsí rialtais láir arna chur ar fáil d'údaráis áitiúla i leith na bpríomhréimsí iompair.

Fíor 4.6 Maoiniú d'údaráis áitiúla le haghaidh bonneagar iompair, 2011 go 2017




Foinse: Iarscríbhinn 4B

Tionscnaimh chomhshaoil

- 4.17** Léirítear i bhFíor 4.7 an treocht i leibhéal an mhaoinithe ó fhoinsí rialtais láir arna chur ar fáil d'údaráis áitiúla i leith tionscnaimh chomhshaoil. Tá laghdú mór tagtha ar an maoiniú rialtas láir le haghaidh tionscadail infheistíochta do sheirbhísí uisce agus sláintíochta ó 2013 i leith toisc gur aistríodh na feidhmeanna sin ó na húdaráis áitiúla go hUisce Éireann.
- 4.18** Áirítear i measc an mhaoinithe le haghaidh tionscnaimh chomhshaoil in 2017 cistí le haghaidh oibreacha faoisimh tuile arna soláthar ag Oifig na nOibreacha Poiblí. Soláthraíodh maoiniú ón gCiste Rialtais Áitiúil d'údaráis áitiúla le haghaidh na n-oibreacha a bhí de dhíth tar éis roinnt stoirmeacha móra a bhí ina gcúis le tuille le linn 2017.

Fíor 4.7 Maoiniú d'údaráis áitiúla le haghaidh tionscnaimh chomhshaoil, 2011 go 2017




Foinse: Iarscríbhinn 4B

Seirbhísí eile

- 4.19** Cuireann comhlachtaí rialtais láir maoiniú ar fáil d'údaráis áitiúla freisin chun cabhrú leo seirbhísí a sholáthar amhail tionscadail oideachais, fostaíochta, spóirt agus cultúir, seirbhísí dóiteáin agus éigeandála, seirbhísí oidhreachta, agus seirbhísí leabharlainne agus cartlainne.
- 4.20** In 2015, thosaigh an Roinn Gnó, Fiontar agus Nuálaíochta ar mhaoiniú a sholáthar d'údaráis áitiúla, trí Fhiontraíocht Éireann, chun díol as na costais a bhaineann le tacaíochtaí forbartha fiontair áitiúla a chur ar fáil don earnáil micrifhiontair trí na hOifigí Fiontair Áitiúil (OFÁ) dá gcuid.
- 4.21** Tugann an Roinn Cumarsáide, Gnóthaí ar son na hAeráide agus Comhshaoil maoiniú do na hOifigí Fiontair Áitiúil, trí Fhiontraíocht Éireann, chomh maith i leith Scéim Trádála Dearbhán Ar Líne na Roinne, a thacaíonn le gnóthais beaga trádáil ar líne.
- 4.22** Cúiteoidh an Roinn Coimirce Sóisialaí na húdaráis áitiúla as caiteachas a thabhaíonn siad ar thionscadail áirithe fostaíochta pobail agus tionscnaimh jabanna.
- 4.23** Léirítear i bhFíor 4.8 an treocht i leibhéal an mhaoinithe i leith seirbhísí den sórt sin.

Fíor 4.8 Maoiniú d'údaráis áitiúla le haghaidh seirbhísí eile, 2011 go 2017



Foinse: Iarscríbhinn 4B


Nótaí: a Tá san áireamh sa chatagóir 'Oideachas agus fostaíocht' aoisliúntas agus aiscí, deontais ardoideachais agus scéimeanna fostaíochta.

b áirítear faoi 'Eile' seirbhísí dóiteáin agus éigeandála, seirbhísí leabharlainne, agus seirbhísí do dhaoine faoi mhíchumas.

Treochtaí i gcaiteachas na n-údarás áitiúil, 2011 go 2017

4.24 Ba é €5.4 billiún an caiteachas comhiomlán a rinne na húdaráis áitiúla in 2016 (an bhliain is déanaí a bhfuil faisnéis iomlán iniúchta ar fáil lena haghaidh).¹ Cuimsíodh leis sin caiteachas caipitil de luach thart ar €1.4 billiún, agus caiteachas reatha de luach tuairim is €4.0 billiún (féach Fíor 4.9). Meastar go mbeidh thart ar €6.3 billiún i gceist leis an gcaiteachas measta le haghaidh 2017.²

Fíor 4.9 Caiteachas na n-údarás áitiúil de réir cineáil, 2011 go 2017



Foinse: An Roinn Tithíochta, Pleanála agus Rialtais Áitiúil

Nóta: a Réamh-mheastacháin is ea iad na figiúirí do 2017. Úsáidtear figiúirí iniúchta le haghaidh na mblianta ar fad roimhe sin.

1 Áirítear anseo caiteachas na 26 chomhairle contae, na dtrí chomhairle cathrach, agus an dá chomhairle cathrach agus contae.

2 Ní raibh comhthiomsú thorthaí caiteachais na n-údarás áitiúil le haghaidh 2017 tugtha chun críche ag an Roinn Tithíochta, Pleanála agus Rialtais Áitiúil tráth a raibh an tuarascáil seo á foilsiú.

Maoirseacht an rialtais láir ar údaráis áitiúla

- 4.25** Tá dhá phríomhchóras ann ina ndéanann an rialtas láir maoirseacht ar chaiteachas na n-údarás áitiúil — Seirbhís Iniúchta an Rialtais Áitiúil agus an Coimisiún Náisiúnta Maoirseachta agus Iniúcháireachta.

Seirbhís Iniúchta an Rialtais Áitiúil

- 4.26** Déanann Seirbhís Iniúchta an Rialtais Áitiúil iniúchadh ar ráitis airgeadais gach údaráis áitiúil. Déantar an tuairim iniúchára agus aon ní a thagann chun cinn san iniúchadh a thuairisciú don údarás áitiúil ábhartha. Seoltar cóip de gach tuarascáil iniúchára chuig an Aire Tithíochta, Pleanála agus Rialtais Áitiúil agus foilsítear ar láithreán gréasáin na Roinne í. Aithníonn an Roinn saincheistean ar fud na hearnála atá le fiosrú a thagann chun cinn i dtuarascálacha iniúchára, agus téann an Roinn i dteagmháil leis na húdaráis áitiúla ábhartha má theastaíonn breis faisnéise ar shaincheist ar leith.
- 4.27** Déanann an tSeirbhís Iniúchta iniúchtaí luach ar airgead ar oibríochtaí na n-údarás áitiúil freisin. Tuairiscítear torthaí na n-iniúchtaí sin don Aire.
- 4.28** Foilsítear tuarascáil bhliantúil ar ghníomhaíochtaí na Seirbhíse Iniúchta. Tá achoimre ann ar thorthaí an iniúchta i leith ráitis airgeadais bhliantúla na n-údarás áitiúil ar fad. Foilsíodh an tuarascáil bhliantúil ar ghníomhaíocht i Márta 2018, agus áirítear ann torthaí na n-iniúchtaí ar ráitis airgeadais 2016.¹ Leagtar béim sa tuarascáil ar shaincheistean a bhaineann go sonrach leis an earnáil agus le húdaráis ar leith, amhail ioncam agus caiteachas don earnáil, suíomh ioncaim charnigh gach údaráis áitiúil, agus an fheidhmíocht maidir le bailiú ioncaim.

An Coimisiún Náisiúnta Maoirseachta agus Iniúcháireachta

- 4.29** Bunaíodh an Coimisiún Náisiúnta Maoirseachta agus Iniúcháireachta ('an Coimisiún') in Iúil 2014.² Tá raon leathan feidhmeanna ag an gCoimisiún atá dírithe ar mhionscrúdú ar fheidhmíocht an rialtais áitiúil, lena n-áirítear an fheidhmíocht airgeadais.
- 4.30** Tá straitéis an Choimisiúin agus tuairiscí ar a ghníomhaíochtaí leagtha amach ina thuarascáil bhliantúil do 2017.³ Déanann an Coimisiún mionscrúdú neamhspleách ar fheidhmíocht na n-údarás áitiúil trí thuarascálacha téamacha agus, nuair is gá, trí éisteachtaí ó bhéal maidir le hábhair atá faoina shainchúram. Déanann an Coimisiún faireachán ar thorthaí a chuid oibre trí thagairt do chur i bhfeidhm a moltaí.
- 4.31** I measc ualach oibre reatha an Choimisiúin, áirítear tionscadail ar na nithe seo a leanas:
- an caidreamh idir na húdaráis áitiúla agus a gcuid custaiméirí
 - feidhmíocht choistí iniúcháireachta na n-údarás áitiúil
 - feidhmeannas iniúcháireachta inmheánaí na n-údarás áitiúil.
- 4.32** Maoinítear obair an Choimisiúin tríd an gCiste Rialtais Áitiúil. Ba é €125,000 an caiteachas in 2017 agus táillí na gcomhaltaí a bhí sa tsuim sin den chuid ba mhó. Bhí beirt bhall foirne ag an gCoimisiún, a chuir an Roinn ar fáil. Ba é €143,000 costas na mball foirne sin, agus tháinig an tsuim sin ó vóta na Roinne.

1 Seirbhís Iniúchta an Rialtais Áitiúil, *Forbhreathnú ar Obair Sheirbhís Iniúchta an Rialtais Áitiúil*, Márta 2018.

2 Tá foráil san Acht um Athchóiriú Rialtais Áitiúil, 2014, do bhunú an Choimisiúin agus cuireadh an Coimisiún ar bun go foirmiúil le hIonstraim Reachtúil Uimh. 297 de 2014.


3 *Tuarascáil Bhliantúil an Choimisiúin Náisiúnta Maoirseachta agus Iniúcháireachta, 2017* (Márta 2018).

Conclúidí

- 4.33** Scéal an-chasta is ea an maoiniú rialtais láir do na húdaráis áitiúla sa chaoi go n-aistrítear airgead ó ranna éagsúla le haghaidh go leor cuspóirí sonraithe éagsúla. Íocann ranna maoinithe cineálacha áirithe maoinithe go díreach leis na húdaráis áitiúla, ach íoctar maoiniú eile trí ghníomhaireachtaí roinne.
- 4.34** Beagáinín ní ba mhó ná €2.6 billiún a bhí i luach iomlán na n-aistrithe maoinithe a íocadh le húdaráis áitiúla ó fhoinsí rialtais láir in 2017. Is ionann é sin agus méadú carnach 56% ar an leibhéal aistrithe ab ísle in 2014, rud a tharla tar éis aistrithe maoinithe bunaithe ar an CMÁ a chur in ionad na ndeontas ilchuspóireach. A bhuíochas leis an gCoimisiún Náisiúnta Maoirseachta agus Iniúchóireachta, tá maoirseacht ar chaiteachas na n-údarás áitiúil méadaithe ó 2014 i leith i gcomhthráth leis an méadú ar an maoiniú.

Iarscríbhinn 4A

Fíor 4A.1 Sreabhadh an mhaoinithe rialtais láir chuig na húdaráis áitiúla in 2018



Foinse: Oifig an Ard-Reachtair Cuntas agus Ciste

Iarscríbhinn 4B

Fíor 4B.1 Aistrithe ón rialtas láir chuig údaráis áitiúla, de réir clár caiteachais, 2011 go 2017^a

Catagóir an Chaiteachais	2011 €m	2012 €m	2013 €m	2014 €m	2015 €m	2016 €m	2017 €m
Tithíocht agus athghiniúint uirbeach							
Soláthar tithíochta sóisialta ^b	655	598	529	536	614	759	1,133
Tithíocht inacmhainne, srl.	68	58	43	39	3	2	3
Tacaíochta tithíochta eile	4	3	1	5	114	92	79
Athghiniúint uirbeach	—	—	—	—	50	60	78
	727	659	573	580	781	913	1,293
Infheistiú in iompar							
Feabhas ar bhóithre náisiúnta	516	503	232	228	236	200	239
Feabhas ar bhóithre réigiúnacha agus áitiúla ^b	451	376	399	357	337	394	368
Iompar poiblí (focaíochtaí caipitiúla)	83	62	57	51	54	45	30
	1,050	941	688	636	627	639	637
Seirbhísí comhshaoil							
Seirbhísí uisce agus sláintíochta	462	343	293	42	102	98	98
Oibreacha faoisimh tuile	8	22	10	21	44	34	28
Bainistíocht dramhaíola	11	5	9	5	3	18	17
Athchúrsáil	12	4	8	2	—	—	—
Bearta comhshaoil eile	18	11	12	13	18	3	7
	511	385	332	83	167	153	150
Seirbhísí eile							
Deontais ardoideachais	184	146	70	39	11	2	—
Costais aoisliúntais agus aiscí	171	15	—	—	—	—	—
Scéimeanna fostaíochta	9	8	8	8	37	38	81
Linnte snámha	10	8	6	—	1	4	13
Seirbhísí dóiteáin agus éigeandála	12	6	5	7	6	9	12
Seirbhís leabharlainne	7	6	4	2	2	2	—
Deontais spóirt, clóis súgartha agus tograí cultúrtha	10	9	2	10	9	28	13
Seirbhísí oidhreacht (oidhreacht ailtireachta)	1	1	1	5	1	1	2
Seirbhísí caipitiúla ilghnéitheacha	11	16	11	9	14	24	22
Seirbhísí ilghnéitheacha ^c	24	26	23	44	31	100	46
	439	241	130	124	112	208	189
Deontais ilchuspóireacha	700	638	642	282	—	—	—
Leithdháiltí CMÁ – ilchuspóireach/lánroghnach ^b	—	—	—	—	306	310	393
Maoiniú iomlán a soláthraíodh do na húdaráis áitiúla	3,427	2,864	2,365	1,705	1,993	2,223	2,662

Foinse: Ráitis airgeadais ó Oifig na nOibreacha Poiblí; ón Roinn Tithíochta, Pleanála agus Rialtais Áitiúil; ón Roinn Oideachais agus Scileanna; ón Roinn Iompair, Turasóireachta agus Spóirt; ón Roinn Cultúir, Oidhreacht, agus Gaeltachta; ón Roinn Sláinte; ón Roinn Leanaí agus Gnóthaí Óige; ón Roinn Díl agus Cirt agus Comhionannais; ón Roinn Talmhaíochta, Bia agus Mara; ón Roinn Gnóthaí Fostaíochta agus Coimirce Sóisialaí; ón Roinn Cumarsáide, Gníomhaíthe ar son na hAeráide agus Comhshaoil; ón Roinn Cosanta; ón Roinn Gnó, Fiontar agus Nuálaíochta; ón Roinn Forbartha Tuaithe agus Pobail; ón gCiste Rialtais Áitiúil; agus ón gCiste Comhshaoil (níl iniúchadh déanta ar ráitis airgeadais 2017).

- Nótaí:
- a Rinneadh coigeartuithe ar roinnt méideanna a tuairiscíodh roimhe seo chun méideanna nach raibh san áireamh nó a athaicmíodh a léiriú.
 - b Ba é €500.8 milliún an leithdháileadh iomlán CMÁ ón gCiste Rialtais Áitiúil in 2017. Leithdháileadh é sin mar seo a leanas: Tithíocht €91.7 milliún; Bóithre €16.4 milliún; Ilchuspóireach/lánroghnach €392.7 milliún.
 - c Tá san áireamh san fhigiúr 'seirbhísí ilghnéitheacha' don bhliain 2017 €20.3 milliún (2016: €25.3 milliún) ón gCiste Rialtais Áitiúil i leith Chomhaontú Bhóthar Lansdún.

